

Zeitschrift: Annalas da la Societad Retorumantscha

Herausgeber: Societad Retorumantscha

Band: 105 (1992)

Artikel: Regestas da la Val Müstair : (prüma part)

Autor: Murk, Tista

DOI: <https://doi.org/10.5169/seals-235703>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Regestas da la Val Müstair

da Tista Murk

(*Priüma part*)

I. Tschierv

Register cronologic

1	s.d. (=sainza data)	Cunfins aint ill'Alp da Munt
2	1558	Drets da transport sur la muntagna da Fuldera
3	1559	Arbitramaint tanter Tschierv e Fuldera reg. pas-chs
4	1611	Passagis
5	1694	Punt dal Rom
6	1715	Cumpra da prada
7	1705	Uffizi da podestà
8	1717	Prada in La Motta
9	1717	Drets da pasculaziun a Fuldera e Tschierv
10	1740	Vendita d'üna vacha
11	1782	Cumpra d'üna fuschina
12	1786	Drets dal bain Ramaschin
13	1790	Cessiun dal prà in Chomp da la Malöja
14	1788	Prà in La Motta e Pranöf
15	1791	Dispitta conc. giurisdicziun
16	1791	Dispitta conc. giurisdicziun
17	1792	Dispitta conc. giurisdicziun
18	1796	Uorden militar dal Terzal Daint
19	1796	Uorden militar e prescripziuns d'equipamaint
20	1803	Drets da giurisdicziun sü Buffalora
21	1805	Infuormaziun sur d'üna famiglia
22	1806	Cunvegna cun Zernez reg. Alp da Buffalora
23	1810	Contrat da pravenda
24	1814	Salari dal plavan
25	1816	Indemnisaziun a sudats
26	1819	Prà Chalera
27	1841	Charta da pegn

28	1846	Via nouva
29	-	Testamaint Caratsch
30	1844	Vendita in Maffechs
31	1851	Fittanza dals giaschigls da schais
32	1861	Drets da vaschins Terzal Daint
33	1862	Mantegnimaint da la via nouva
34	1853	Expropriaziun e mantegnimaint da la via nouva
35	1870	Sentenzcha reg. Palüds e lais
36	1873	God da Buffalora
37	1875	God da Buffalora
38	1875	God da Buffalora
39	1875	Vendita dal god da Buffalora a T. Albertini
40	1875	Mantegnimaint da la via tras val
41	1877	T. Albertini paja il fit per il god
42	1877	Cauziun da sar Albertini per il god
43	1889	Pajamaint dal god

Register da materias

Alp da Buffalora	Nº 20, 22
Alp da Munt	1
Charta da pegn	27
Drets da vaschins	32
Fuschina	11
Giaschigl da schais	31
Giurisdicziun	15, 16, 17
God da Buffalora	36, 37, 38, 39, 41, 42, 43
Indemnisaziun a sudats	25
La Motta	8, 14
Palüds	35
Passagis	4
Plavan	23, 24
Punts	5
Ramaschin	12
Testamaint Caratsch	29
Uffizi da podestà	7
Uorden militar	18, 19
Vendita da prada	6, 13, 26
Via nouva	28, 33, 34, 40

N° 1

sainza data

Pergamina sainza data conc. (=concernenta) ils cunfins da l'Alp da Munt

Pergamina originala rumantscha.

N° 2

1558, 5 marz, Sa. Maria

Il güdisch da la Val Müstair decida in üna lita tanter Tschierv d'üna vart e Valchava e Zuoz, S-chanf e Chamues-ch da l'otra vart conc. ils drets da transport sur la muntagna da Fuldera, cha tuottas sentenzchas trattas dessan restar in vigur.

Copcha tudais-ch, palperi, 30 avuost Peider Schucan copcha.

N° 3

1559, 10 gün, Sa. Maria

Arbitramaint da Göri Travers da Sa. Maria sco parsura e dals signuors Albert Mainin da Valchava e Jon Maini da Sa. Maria sco arbitraders in üna causa tanter las vischnancas da Tschierv e Fuldera regard pascul chasan ed alps.

Rapreschantants da Tschierv d'eiran: Maini e Clau Gross, Valentin Jon Valanzin, Clau Jon Bass. Rapreschantants per Fuldera: Luzi Funerol, Jon Not Kura e Jon Goetta.

Davo üna visita vegnan miss terms e quai ün pro'l Rom. Dadaint quist term das-chan pascular quels da Tschierv cun vachas e chavals. Oters terms vegnan miss sül spi dal munt. Per ils pas-chs sü munt vaglian las stipulaziuns veglias.

Sur dal cunfin dal Döss da Mugliniersch nu gnit stipulà nüglia. Las chartas d'alp chi vaglian per tuot la val, dessan vagliair inavant.

Copcha rumantscha, palperi, Caspar Jousch plavan da Tschierv ha scrit 13/VII/1690

II. copcha, rumantsch, palperi.

III. copcha, tudais-ch, palperi, 11.III.1759.

N° 4

1611, 20 mai, Tschierv

Stipulaziun sur dal dovair da mantgnair passagis.

Original, rumantsch, palperi.

N° 5

1694, 24 november, Tschierv

Ils artavels da Chasper Clau da Tschierv chi d'eiran obliats da mantgnair la mità da la punt sur il Rom ourasom Tschierv, han cedü quist agravi, in perincletta cun la vischnanca, a Peder Bott da Tschierv.

Original, rumantsch, palperi, anügliä. Chasper Jousch ha scrit.

N° 6

1715, 1 gün, Tschierv

Ils vaschins da Tschierv vendan a Jon Gallin ün toc prà situà ingio chi's disch «Prachalhuera» chi masüra 175 lattas, per il predsch dad ün rentsch renan e trais crüzers la latta.

Original, rumantsch, palperi.

N° 7

1705, 16/6 jün, Müstair

Ils rapresentants dal cumün da Tschierv dumandan e survegnan da l'abolt Domenic Tramèr lur part da la vendita da l'uffizi da podestà da Murbegn.

Original, rumantsch, palperi.

N° 8

1717, 7 settember, Tschierv

Ils suprastants da Tschierv inchantan ün pêr tocs fuond da cumün. Ün toc es in «la Motta», ün toc in «Camp da via nova», ün toc in «la Val» ed ün toc in «Planatsch».

Original, rumantsch, palperi.

N° 9

1717, 16 settember, Tschierv

Sentenzcha in üna causa tanter Fuldera e Tschierv reg. drets da pascul

1. La sentenzcha dals 10-1-1559 vain confermada, da maniera cha quels da Fuldera e Tschierv s'impegnan da pascular ils pas-chs nomnats in quella sentenzcha cun la muaglia manzunada. Ils signuors Tumasch Stuppan e Baltisar Guertz veggan incumbenzats da metter termels.
2. Fuldera dess restituir laina manada via.
3. Causa cha pervi da las litas differentas persunas malavita sun gönüda jarücladas, quels da Tschierv e quels da Fuldera dessan minchün indemnissar als lur.

Original, rumantsch, palperi, incumplet.

N° 10

1740, 24 marz, Lü

Cloatin Salis venda a Peder Nuolf üna vacha per 31 rentschs.

Original, rumantsch, palperi.

N° 11

1782, 12 avrigl, Tschierv

Il cumün da Tschierv cumpra da maister Chasper Bott a Tschierv üna fuschina cun üsaglias per il predsch da 150 rentschs renans, pajabels in 3 ratas.

Original, rumantsch, palperi.

N° 12

1786, 17 october

Cunvegna amiaivla tanter Tschierv e sar Jon Gallas reg. il dret da racoltar fain aint il bain da Rumaschin.

Il nomnà Jon Gallas das-cha far fain aint il nomnà bain dals 1. fin als 13 lügl.

Sch'el nu piglia aint la racolta in quel temp cunvgnü, crouda el in paina.
Original, rumantsch, palperi.

N° 13

1790, 11 december

Sar ravarenda Jon Gross ceda als vaschins da Tschierv impè da pajamaint, ün champ nomnà «Chiomp da la Malöja».

Original, rumantsch, palperi.

N° 14

1788, 11 marz, Tschierv

Sün proposta da duonna Gretta Jon Wulf ils vaschins da Tschierv han tut, in cumpensaziun per 115 rentschs ch'ella als debitaiva, 3 prats situats in la Motta da Lottar e Pranöf.

Original, rumantsch, palperi.

N° 15

1791, 4 avrìgl, Valchava

Valchava schneja d'avair gnü ünsacura l'intenziun da's separar dal Terzal per fuormar ün agen cumün. Valchava percunter nu pigliarà part a las tschantadas da la drettüra, fin cha la questiun dal sez nu sarà evasa e propuona da surdar la causa ad ün güdisch cumpromissarial.

Original, rumantsch, palperi.

N° 16

1791, 20 avuost

Resposta dal cumün da Tschierv, Fuldera e Lü a la pretaisa dal cumün da Valchava.

1. Valchava nu po e nu das-cha pretender privilegis da suveranità.
2. Valchava nu das-cha pretender ingüns privilegis in chosas da la Lia, in basa a la sentenzcha da Scuol

3. Valchava nun ha pajà daplü da quai ch'el stuvaiva.
4. Cur cha Valchava d'eira in lita cun Sa. Maria, s'haja da libra volontà güdà ad el a fabrichar ün sunteri.
5. I nu's ha impromiss dafatta nüglia a Valchava.
6. La perdütta abolt Maini Flurin sco vaschin da Valchava sto gnir sclaus.
7. Il sez dal güdisch cumünal e l'uffizi da podestà dessan müdar in rouda.

Original, rumantsch, palperi.

N° 17

1792, 2/12 schner

Arbitramaint da signur Raduolf de Salis in üna causa tanter Valchava d'üna vart e Tschierv, Fuldera e Lü da l'otra.

1. Quai chi reguarda il sez dal güdisch e da la superiurità, dess restar pro la decisiun da l'an 1783.
2. La pretaisa da Tschierv reg. güdisch cumünal nu poss eu arbitrar, mo propuon da star pro quai chi d'eira fin in uossa.
3. Il scumpart dals cuosts vain fat plü tard.

Original, rumantsch, palperi.

Sagè: tschairo.- Sagellader: Rodolf de Salis.

N° 18

1796, 13 lügl, Tschierv

Stipulaziuns sur da las tschernas militaras.

1. La tscherna o l'infilamaint militar vain fat mincha an.
2. Il figl aintra per il bap defunt.
3. Mincha secziun dess avair seis corporal.
4. Mincha corporal paja ün ster vin.

Original, rumantsch, palperi.

N° 19

1796, 14 lügl, Valchava

Uorden militar fixà dals traïs mantuns dal Terzal Daint. Ils rapreschantants dals cumüns da Valchava, Lü, Lüsai, Fuldera e Tschierv han stipulà ün uorden militar:

1. Mincha vaschin ha da prestar servezzan militar ingio ch'el vain parti aint (da star e trar in tscherna). Il dovair da servir düra fin a l'età da 65 ans. Quel chi nu fa servezzan militar paja üna imposta d'indemnisaziun da 50 rentschs. Il rechav da l'imposta militara dess servir sulettamaing per acquisiziuns militaras.
 2. Inabels han da pisserar per rimplazzants.
 3. In chasadas sainza bap la chasada sto metter ün oter hom sco cumpensaziun. Mats chi han cumpli 12 ans pon gnir tuts sco cumpensaziun.
 4. Vaschins absaints dal pajais dessan gnir intgnüts cun l'immatscha da tils far perder il dret da vaschinadi, scha la defaisa dal pajais dumanda, da gnir in pajais o da metter ün hom da cumpensaziun.
 5. Amalats pajan l'imposta militara pro rata temporis. In temps da guerra importa l'imposta militara 75 rentschs.
 6. Minchün chi'd es capabel da portar armas as sto drizzar fin Tschinquaismma 1797 üna unifuorma, almain ün büschmaint blau cun dubletschas cotschnas ed epolettes cun cusi sü il nom dal cumün.
 7. Minchün chi'd es abel da portar armas as dess munir cun ün schluppet militar o cun ün schluppet trat, cun bajonetta, bachelta da chargiar, sabel, tas-chas da patronas, 12 patronas e puolvra.
 8. Quel chi marida avant Tschinquaismma 1797, dess mussar al surcumün sia armadüra ed unifuorma. Quel chi nu fa quai, nu po gnir dat insembel.
 9. Unifuorma ed armas dad homens chi mouran sainza descendenza masculina, tuornan al cumün, e las armas vegnan munidas cul buol dal cumün.
 10. Exercizis militars vegnan fats mincha dumengia davo il cult divin.
 11. Mincha mantun dess avair sco reserva da guerra almain 24 ??? puolvra e plom.
- Original, rumantsch, palperi.

N° 20

1803 – 1815, sainza data

Dumandas reg. ils drets da giurisdicziun sur da l'Alp da Buffalora chi fin al 1460 appartgnaiva a la Val Müstair; scha quels drets sajan tras la vendita da l'an 1575 eir gnüts cedüts.

Copcha, talian, palperi.

N° 21

1805, 20 marz, Valchava

Il parsura dal Terzal Dadaint declera cha in tuot la val nu saja gnanc'üna schlatta chi correspuonda a la tscherchada.

Copcha, rumantsch, palperi.

N° 22

1806, 2 gün, Glion

Cunvegna tanter il cumün da Zernez e la Val Müstair reg. l'Alp da Buffalora.

1. La Val Müstair renunzcha al dret da schlobgiada invers l'Alp da Buffalora.
2. Il cumün da Zernez racugnuoscha la giudicatura criminala e civila da la Val Müstair sur da Buffalora. Dispittas tanter Zernez e la Val Müstair decida l'autorità chantunala.
3. Zernez sco possessur da l'alp das-cha far pignoraziuns.
4. Dovair d'impostas da l'alp.

Copcha, tudais-ch, palperi.

N° 23

1810, 15 mai, Tschierv

Contrat da servezzan tanter il cumün da Tschierv e sar plavan Domenic Haindrich. Salari 107 rentschs ed 1 nouda painch d'alp per chasada.

Original, rumantsch, palperi.

N° 24

1814, 11 avrìgl, Tschierv

Intimaziun als members da la raspada da pajar conscienziusamaing lur part vi dal salari dal plavan. Eir pajamaint tras roba permiss.

Original rumantsch, palperi.

N° 25

1816, 15 avrigl, Tschierv

Cunvegna tanter ils vaschins da Tschierv ed ils sudats chi han prestà var 5 mais in fila servezzan militar in guerra. Ils sudats pretendan üna indemnisiaziun cun quai chi han stuvü servir our d'pjais e perfin in Frantscha. Ils vaschins da Tschierv surlaschan als sudats in possess l'armadüra ed indemniseschan amo a minchün cun 8 rentschs e 20 crüzers.

Original rumantsch, palperi.

N° 26

1819, 5 gün, Tschierv

Gretta Bitsch ceda al cumün da Tschierv impè da pajamaint per üna somma debitada da 28 rentschs e 3 crüzers ün prà, nomnà «Pra Chalcera».

Original, rumantsch, palperi.

N° 27

1841, 17 settember, Tschierv

Charta da pignoraziun da Domenicus Maini-Gross a favur dal sar Jon Galles.

Copcha, rumantsch, palperi.

N° 28

1846, 11 november, Fuldera

Cunvegna tanter il cumün da Tschierv e sar J.P. Gross reg. la nouva via progettada.

1. Il cumün da Tschierv s'impegna da translocar la via suot la chasa dal sigr. Gross... «werkschuh» vers il flüm.
2. Sar Gross allontanescha perdavo la saiv da seis curtins perlung la via nouva e mantegna il repar sper sa chasa, survain la laina bsögnusa per quai dal cumün.
3. Per dozar la punt suot sia chasa das-cha el retrar la laina dal cumün gratuitamaing.

Original, rumantsch, palperi.

N° 29

s.a., 12 favrer, Cuoira

Il Pitschen Cussagl dal Chantun Grischun scumanda a sar Jon Pitschen da dar oura fin ad ulteriur uorden il testamaint Caratsch contestà.

Copcha, tudais-ch, palperi.

N° 30

1844, 18 gün, Tschierv

Il cumün da Tschierv venda ad Andrea P. Gross ün toc terrain da cumün in Maffechs suot la Multa Gronda per il predsch da 19 rentschs 45 crüzers.

Original, rumantsch, palperi.

N° 31

1851, 21 schner, Tschierv

Contrat da fittanza tanter Engelbert Tach e cia. dad Imst, Tirol ed il cumün da Tschierv.

Il cumün surlascha a Tach d'exploitar seis giaschigls da schais in Ruvinas, Prazzos, Votas e Valplan per la dürada da 10 ans.

Fit: 15 rentschs per clafter cubic crap da schais, almain però 150 rentschs l'an.

Original, tudais-ch, palperi.

N° 32

1861, 7 favrer, Fuldera

Ordinaziun sur dals drets da vaschinadi dals avdants dal vegl Terzal Daint.

1. Ils vaschins dals cumüns da Tschierv, Fuldera, Lü cun la filiala Lüsai, Valpaschun e Valchava sun racugnuschüts per vaschins dal vegl Terzal e dessan avair il dret da's domiciliar ingio chi vöglan e dessan avair il dret da vusch eir allà ingio chi's domicilieschan aint il Terzal.
2. Registrats dessan els però gnir be in ün cumün, obain in quel

dinuonder chi derivan, obain in quel ingio chi han fin uossa exercità il dret da vuschar.

3. Il cumün ingio cha ün es inregistrà pissera in cas d'impovramaint ed emetta las scrittüras.
4. Ils vaschins dal vegl Terzal giodan aint il cumün ingio chi s'han domiciliats, las ütilitats cumünalas. (god, alps etc.).
5. Vaschins da be ün cumün, eir tals chi sun gnüts rinviats ad ün cumün, nu vaglian per plains vaschins e ston gnir inregistrats per nouvs vaschins cumünaux.

Original, rumantsch, palperi.

Sagè: Sagè d'übladas.

Sagellader: Tschier, Fuldera, Lü-Lüsai, Valpaschun, Valchava e Nicolo Pitschen, commissari da la regenza.

Nº 33

1862, 24 gün, Lü

Contrat tanter ils cumüns da Tschier e Lü reg. mantegnimaint da la via nouva e da las punts sur l'aua da Laider. Tschier mantegna fin la Multa da Lü e Lü d'allà davent.

Original, rumantsch, palperi.

Nº 34

1853, 10 december, Valchava

Protocol d'üna radunanza dals rapreschantants da la Val Müstair reg. expropriaziun e mantegnimaint da la via nouva sur il Fuorn.

Mincha cumün dess expropriar sün seis territori.

Il mantegnimaint da la via vain surtut da tuots cumüns cumünamaing.

Copcha, rumantsch, palperi.

Nº 35

1870, 8 november, Sa. Maria

Sentenzcha dal güdisch da la Val Müstair in ün process tanter 19 vaschins da Tschier chi possedan palüds e lais dadaint Fuldera d'üna vart ed il cumün da Fuldera da l'otra vart.

1. Il dret da pasculaziun aint illas palüds la prümavaira vain acconsenti als possessuors da quistas palüds e lais dürant il temp üsità fin uossa.
2. La pretaisa per indemnisiaziun invers Fuldera vain refüsada.
3. L'arbitramaint dal 1869 resta in vigur.
4. Da las spaisas güdicialas pajan ils plandschaders 2/5 ed ils achüsats 3/5.
5. Ils cuosts extragüdiciais vegnan cumpensats.

Copcha, rumantsch, palperi.

Nº 36

1873, 16 november, Zuoz

Tumasch J.G. Albertini dumanda al cumün da Tschierv l'ultim predsch per il god cha Tschierv posseda insembel cun la famiglia Albertini sü Buffalora.

Original, rumantsch, palperi.

Nº 37

1875, 9 lügl, Zuoz

Tumasch Albertini offrescha per il god da Buffalora frs. 8500.

Original, rumantsch, palperi.

Nº 38

1875, 20 lügl, Zuoz

Tumasch J.G. Albertini es pront da pajar frs. 9500 per il god da Buffalora.

Original, rumantsch, palperi.

Nº 39

1875, 3 avuost

Il cumün da Tschierv venda a Tumasch J.G. Albertini la mità dal god ch'el posseda a Buffalora insembel culs artavels dal mastral Jann Gest

Albertini barmör, successur legal dal podestà Tumasch Melchior da Valchava, per il predsch da frs. 9500.

Original, rumantsch, palperi.

Nº 40

1875, 14 avuost, Sa. Maria

Sentenzcha in questiun dals cumüns Sa. Maria, Valchava, Fuldera, Lü e Tschierv reg. mantegnimaint da la via tras val.

Original, rumantsch, palperi.

Nº 41

1877, 31 mai, La Punt (Engiadina)

Tumasch J.G. Abertini da La Punt chi ha cumprà ün toc god sü Buffalora, paja il prüm fit.

Original, rumantsch, palperi.

Nº 42

1877, 20 settember, Tschierv

Ils suprastants dal cumün da Tschierv decleran d'avair survgni da signur Tumasch de Ulrich Albertini a Zuoz sco cauziun per seis debit derivant da la cumpra dal god da Buffalora, 6 aczias illa valur nominala da frs. 10 000.

Original, rumantsch, palperi.

Nº 43

1889, 18 gün, Cuoira

La Banca chantunala comunichescha cha duonna Emilia Albertini a Zuoz haja versà frs. 9 500 sül quint dal cumün da Tschierv.

Original, tudais-ch, palperi.

Cudeschs:

Nº 1:

Cudesch da chiartas da fit della Baselgia da Cerva nominada da San Niclau. Scrit gio tras mai Peter Scartazun V.D.M. Angefangen 1664.

162 paginas, quart pitschen.

II. Sa. Maria

A. DOCUMAINTS

Register cronologic

1	1342	Testamaint
2	1343	Charta da cumpra
3	1349	Quittanza
4	1398	Charta da cumpra reg. Valpaschun
5	1400	Charta da cumpra reg. Valpaschun
6	1401	Charta da cumpra reg. üna chasa da crap
7	1402	Charta da cumpra reg. üna chasa da crap
8	1404	Charta da brat
9	1412	Charta da cumpra reg. bains a Valchava
10	1450	Charta da cumpra reg. bains a Fuldera
11	1450	Charta da cumpra reg. bains a Valchava
12	1453	Charta da cumpra reg. bains a prà a Silva
13	1461	Charta da cumpra d'üna chasa
14	1464	Charta da cumpra d'üna chasa
15	1467	Charta da cumpra reg. bains a Valchava
16	1467	Charta da cumpra reg. bains a Valchava
17	1467	Charta da cumpra reg. bains a Valchava
18	1470	Revers da cumpra
19	1477	Charta da cumpra reg. palü a Tschierv
20	1477	Charta da cumpra reg. Foppa a Lü
21	1477	Charta da pegn reg. üna chasa
22	1498	Charta da feud reg. Bain Maria Maclaina
23	1504	Charta da cumpra reg. drets d'chasa
24	1522	Charta da feud reg. bains a Sierva
25	1528	Charta reg. Bain da Peder Fuldera
26	1528	Charta reg. bains a Sa. Maria
27	1528	Charta reg. Bain Maria Maclaina
28	1551	Charta reg. divers bains
29	1568	Charta da brat reg. drets d'chasa
30	1571	Reg. bocs
31	1572	Charta da feud reg. bains a Sa. Maria
32	1572	Charta reg. Bain Sa. Maria Maclaina
33	1572	Revers Bain Sa. Maria Maclaina
34	1586	Charta da fits
35	1588	Contrat da brat reg. bains a Sierva
36	1597	Charta da cumpra reg. ün prà
37	1643	Affars da pravenda
38	1659	Drets da passagi
39	1668	Revers reg. ün rempar
40	1671	Drets da pasculaziun sü Rims
41	1672	Brat dad agravis resp. drets da cumün

42	1673	Drets da pasculaziun tanter Müstair e Sa. Maria
43	1674	Termels tanter Müstair e Sa. Maria
44	1674	Fabrica dal nouv muglin
45	1677	Lita cun la clostra
46	1709	Revers reg. Prà da Vau
47	1711	Elecziun d'ufficiants
48	1735	Pasculaziuns da la bescha in Munt Masaun
49	1743	Brat dad agravis resp. drets da cumün
50	1786	Lita reg. pravenda
51	1791	Termels in Palüetta da Vau
52	1808	Schlubgiaschun da fits
53	1828	Extrats da documaints

Nº 1

1342, 25 schner

Testamaint da Confortus Demolino, tenor il qual dess gnir sport per il salvamaint da sia orma mincha an a la baselgia da Sa. Maria sco almonsnas 10 mözs sejel (sicalle et domege) e 10 selguas chaschöl, pro seis on (Jahrzeit) 2 selguas chaschöl, ed a la baselgia da S. Jon a Müstair minch'on üna mina sagimini (graun) da seis prà e seis fuond a Valchava.

Latin, original, pergamina.

Segnals notarials da Gruner de Stero e Johannes Filius Ser Ctesini de Catoto
Notarius de Burmio.

Nº 2

1343, 27 settember a Tuvero

Beta, la figlia dad Egon de Plateio de Sa. Maria, venda a Margareta e Gisla, sias sours, ed a Hermann, Jacobus ed Egnon, seis frars, tuots drets cha ella avaiva in ün chomp tanter las duos vias publicas a Sa. Maria, per 14 glivras veronaisas, per il che ella dà quittanza. Eir vain pajà il dret nomnà «marenda».

Original, latin, pergamina.

Suottascripzion dad Ulricus, figl da sar Laurenzius de Reichenberch, notar.

Remarcha: Impè dals segnals notarials mancats a la fin sta al cumanzamaint dal documaint ün sumgliaint segnal, mo sainza inizialas.

N° 3

1349, 23 favrer

Nicolaus, nomnà Labnitz da Gluorn, attesta la retschavüda da 16 1/2 marcs cha Ulrich Prevost da la clostra S. Jon «in Valle Callavena» l'ha dat per seis edifizis, tablà da crap etc.

Original, latin, pergamina.

Suottascripziun da Dominicus de Lauchs, notarius publicus.

N° 4

1398, 3 favrer

Jacobus de Camp venda a Margareta, figlia da Jacobus da Domonova de Camp, avdant a Tuver, ün prà in Valpesson per 4 marcs munaida da Meran. Ordinaziuns reg. la recumpra.

Original, latin, pergamina.

Segnal notarial da Otto de Cremsa not. publ.

N° 5

1400, 20 avrigl

Jacobus, il figl da Chunradole da Müstair, venda a l'abadessa Luzia ed al convent da las Sours a Müstair ün prà a Valpaschun (Valpusun) per 9 marcs main üna nouda.

Original, latin, pergamina.

Segnal notarial da Jacobus de Sarnetz not. publ. vallis Engadine.

N° 6

1401, 29 schner, aint illa clostra da Müstair

Duonna Alla, la muglier, ed ils figls dal dazier Michael p.m. a Sa. Maria, survegnan da l'abadessa Luzia a Müstair 26 marcs veronais e 3 glivras da valüta meranaisa per üna chasa da crap cun curtin e chomps a Sa. Maria situada sper la via chi maina a Buorm.

Original, latin, pergamina.

Segnal notarial da Jacobus de Sarnetz, not. publ.

Nº 7

1402, 22 settember, a Gluorn

Alla, la figlia da Nicolaus de Portatscha de Villa Sa. Maria, la guaivda dal dazier Michael a Sa. Maria e muglier da Hermann, clomà Swentzengast, venda a Hermann Swentzengast üna chasa da crap a Sa. Maria, clomada la chà sura, per 26 pitschnas veronaisas e 3 glivras.

Original, latin, pergamina.

Segnal notarial da Jacobus, figl da Jon, clomà, Romanay de Sarnetz, resident a Gluorn, not. publ.

Nº 8

1404, 20 lügl, illa clostra S. Jon

Nicolaus de Anthonius de Boniga [?] de Valcava bratta cun l'abadessa Luzia a Müstair ün prà in villa Sa. Maria clomà «supra a lântsch», cunter ün curtin (ortus) a Sa. Maria, ingio vegnan pro amo 20 glivras chapara.

Original, latin, pergamina.

Segnal notarial da Jacobus de Sarnetz, resident a Glurnio, not. publ.

Nº 9

1412, 28 schner, a Müstair

Cristoforus, il figl da Jon Sutzana, abuà da la Luzia e dal Jon, seis uffants, e Nesa, la figlia da Nicolaus Tamburlin, vendan a Duri de Othmar, plevan a Müstair, lur bains a Valchava per 5 marcs veronais pitschens.

Original, latin, pergamina.

Segnal notarial da Jacobus de Sarnetz, resident a Gluorn, publ. not.

Nº 10

1450, 28 december

Dominicus Dott, il figl d'Albert Zochalma da Sa. Maria, venda a Conrad Kuenni de Pludetz, prevost clostral da S. Jon a Müstair, a man da l'abadessa Elisabeta Praetzin e da seis convent ün prà sül territori da

«Foldera», ingio chi ha nom «in Platzolls» ed obtegn per quel 10 marcs ed 8 denars munaida meranaisa veronaissa.

Original, latin, pergamina.

Segnal notarial da Dominicus Martini publ. not. figl da Jon Martini d'Ardetz.

N° 11

1450, 30 december, illa clostra da S. Jon

Jon Pellifex, avdaint a Valchava, figl da Bertram da Camugaschke barmör, e sia muglier Magdalena, figlia da Jon Lethe da Valchava, vendan a Conrad Kuenny da Pludetz, prevost e plavan da la clostra S. Jon a Müstair, a man da l'abadessa Elisabeta Praetzin e da seis inter convent bains a Valchava nomnats Inpersura, in Prato, in Ruvinas ed in Valatzscha per 61 marcs munaida veronaissa.

Original, latin, pergamina.

Segnal notarial da Dominicus Martini, not. publ. Vallis Engadinae figl da Jon Martin d'Ardetz.

N° 12

1453, 7 jün

Oswaldus e Nicolaus, ils figls da Januttin de Silva (plebis monasterii), vendan a Conrad Cuenni, prevost a S. Jon a Müstair, a man da l'abadessa Elisabeta Praetzin e dal convent ün prà a Silva, clomà «in Rungk» per 46 marcs veronais.

Original, latin, pergamina.

Segnal motarial da Jon Martin d'Ardetz not. publ.

N° 13

1461, 2 marz

Maini Doth, avdaint a Sa. Maria, venda al prevost Michael Gaudencii de Zutz a man da l'abadessa Elisabeta Praetzin sia chasa a Sa. Maria cun tuot quai chi tocca pro e survain perdavo 15 marcs munaida meranaisa veronaissa.

Original, latin, pergamina.

Segnal notarial da Jon Rabüstavn, figl da Conradin Rabüstavn de Kamogasco, not. publ.

N° 14

1464, 24 october

Jacobus, il figl da Janot Josch da Sa. Maria, venda a Michael Gaudentii de Zutz, prevost e plavan a Müstair, a man da l'abadessa Anna Planta e dal convent sia chasa a Sa. Maria cun tuot quai chi tocca pro (stüva, chadafö, Lapidarium, schlers, chambras, stallas e curtin), per quala el ha fingià survgni l'an 1446 12 marcs veronais munaida meranaisa.

Original, latin, pergamina.

Segnal notarial da Jon de Conradin Rabustaun de Camogasco not. publ.

N° 15

1467, 24 avrìgl

Jacobus, il figl da Charpoforus Roeschel de Tzarnetz, avdaint a Sa. Maria, venda a Michael de Gaudentiis de Zutz a man da l'abadessa Anna Planta e dal convent da S. Jon «ultra calawenam» bains a Valchava, clomats in Maiorias e Pravalchava, cun tuots drets, per 12 marcs veronais munaida da Meran. Perdüttas sun: Valentinus Petri «datyl», Capellanus in Sa. Maria, Symon Fatza de Lug, Agnolfus de Lug e Jacobus Sartor in Müstair.

Original, latin, pergamina.

Segnal notarial da Jon d'Andri Koch da Ramosch, publ. not.

N° 16

1467, 26 lügl

Joannes, clomà Schkoet de Valcava, e sia muglier Ursula de Meini Albert Mutta vendan ad Anna Planta ed a seis convent a Müstair bains a Valchava per 70 marcs munaida da Meran.

Original, latin, pergamina.

Segnal notarial da Dominicus Martini de Ardetz not. publ.

N° 17

1467, avuost

Joannes Pellifex, il figl da Bertram Pellifex da Chamues-ch e da Magdalena, sia muglier, vendan a Michael Gudencii da Zuoz, prevost e

plavan, a man dad Anna Planta, abadessa a Müstair e dal convent bains a Valchava, clomats Maioria, in Selgerai, in Valatzscha e sün Ruvinas per 27 marcs veronais munaida da Meran.

Original, latin, pergamina.

Segnal notarial da Dominicus Martini, figl da Joannes Martini de Ardetz, not. publ.

Nº 18

1470, 1. lügl

Joannes, clamà Schkgoet da Valchava, il figl da Clawot Schkgoet, survain da la clostra a Müstair 4 marcs veronaisas munaida da Meran a cundiziun ch'el cumpra inavo ün prà clomà «in Clus» da Bernard, il figl da Bertram de Bursis da Buorm.

Original, latin, pergamina.

Segnal notarial da Dominicus de Johannes Martini dad Ardez.

Nº 19

1477, 15 marz

Schimun, il figl da Fasser da Tschierv venda a Michel Gaudenz da Zuoz a man da l'abadessa Anna Planta e dal convent a Müstair üna palü a Tschierv, clomada in Agnaids, per 25 marcs veronais.

Original, latin, pergamina.

Segnal notarial da Joannes d'Andri Koch da Ramosch, not. publ.

Nº 20

1477, 17 marz

Nolff da Lü, Schimun Fatscha da Lü, Kut da Fuldera, Florin da Tschierv, Adienket Not Pitzen da Lü, Nottal da Lü ed Albert da Fuldera vendan al prevost Michel Gaudenzi da Zuoz a man da l'abadessa Anna Planta e dal convent üna «foppa» sün territori da Lü, clomada Palüetta da Lü, per 13 noudas veronaisas.

Original, latin, pergamina.

Segnal notarial da Joannes d'Andri Koch da Ramosch, publ. not.

N° 21

1477, 17 marz

Purga, la figlia da Tumasch Madoek da Zernez, impegna (facit assecurationem) a Michel Gaudenzi da Zuoz, prevost a Müstair, a man da l'abadessa Anna Planta e da seis convent, sia chasa a Sa. Maria per 10 glivras veronaisas ch'ella ha survgni dad quels.

Perdütas: Andrea Bisatsch reck, Joannes Andrea de Platz, Chasper Krotscha da Scuol etc.

Original, latin, pergamina.

Segnal notarial da Joannes Koch, figl d'Andri Koch da Ramosch, not. publ.

N° 22

1498, 3 favrer

Angelina Planta, abadessa da la clostra da S. Jon a Müstair, e prevost Joannes Frech surdan a Kot Fuldera ed a Jacum Janut da Plaz ün bain a Sa. Maria, clomà Maria Maclaina, causa cha quists percunter nu das-chan ne vender ne impegnar, a quel fit sco ch'el es cuntgnü aint il urbar clostral.

Original, latin, pergamina.

Segnal notarial da Schimun da Nut Travers da Zuoz, not. publ.

N° 23

1504, 14 mai, a Sa. Maria

Adom Nutti Adom venda a Buolf (Wolf) Florii de Parthen in Cresta drets da chasa per 30 fl. munaida da Meran.

Original, latin, pergamina.

Segnal notarial da Schimun de Not Travers barmör da Zuoz, not. publ.

N° 24

1522, 2 mai

Barbla da Castelmur, abadessa a Müstair, e seis inter convent aquà, nempe: Kunigundt von Ringkupr?, Dorothea von Castelmur, Appolonia

von Capol, Katherina Ringkin e Margareta Saxerin dan in feud tenor il dret feudal dal cuntadi dal Tirol a Tumasch Betta e Dorotea a Sielva ed a Jon Peder Nut Pitschen cun bains agens da la chasa da Dieu, situats a Sielva, per quals quists han da pajar minch'an ün fit da 32 Schot chaschöl, 10 mozza d'uerdi e 1 möz d'sejel.

Original, tudais-ch, pergamina.

2 sagels pendan landervia. – Sagellader: Abadessa e convent.

N° 25

N° 26

1528, il di da Tschinquaisma avant Jöri (16 avrige) a Müstair

Barbla da Castelmur, abadessa da la «chasa da Dieu S. Jon a Müstair sur Chalavaina e dal cumön convent» dan in feud a Ruschel, Jacob Nut Pitschen, Mangot Malgrita, figl da Plaz, Hans Toni ed a sias sours Eva, Martin Travers ed a seis frar, Adom Clau Quaqra, Laurenz Clau Lurenz, Padruet Guot, a Mini Cristan Mini figl ed a lur artavels tenor dret feudal ad ün fit etern bains da la chadè, situats a Sa. Maria, per quals quists dessan surdar al majer (mér) mincha an 80 schots chaschöl, 40 pass pon, 2 charradas vers Nalls, 2 beschs per 2 noudas, 2 praders e 2 tondaders da bescha.

Original, tudais-ch, pergamina.

2 sagels pendan. – Sagelladers: Abadessa e convent.

N° 27

1528, Sanda davo Pasqua (19 avrige)

Barbla da Castelmur, abadessa da la clostra S. Jon a Müstair, ed il cumön convent aquà dan in feud ad ün numer da glieud ils bains agens da la clostra situats a Sa. Maria, nomnats Bain da Sa. Maria Madalena, per qual quists han da dar mincha an 21 mozza d'uerdi, 21 selguas d'chaschöl, 1 charrada vers Plärss ed ün prader tenor dret feudal.

Original, tudais-ch, pergamina.

2 sagels pendan. – Sagelladers: abadessa e convent.

N° 28

1551, 14 favrer (Hornung)

Linard Peder Nuolff da Champ, sco portafeud eir in nom dad oters, retschaiva da la duonna spirituala Ursula da Porta, abadessa da la clostra da muongias a Müstair, e da l'inter convent allà in feud artaivel bains in Karaus, in Sach, in Pradünig, in Chavügls daint, in Chawolgs, in Coluri, üna chasa a Müstair nomnada Aqwal, curtins etc. per quals il fit ha da gnir dat in daners, granezza, chaschöl e servezzans.

Original, tudais-ch, pergamina.

Sagè: landervia. – Sagellader: Hans Salis da Zernez.

N° 29

1568, 5 october, a Sa. Maria

Jannet da Maller e seis frar Jacun da Valchava brattan drets d'chasa in Baviorchia cunter ün prà in Bulasseras.

Original, latin, pergamina.

Segnal notarial da Joannes à Salicibus, not. publ.

N° 30

1571, 26 avuost, Sa. Maria

Stoffel ed Angel e Jon da Lusai s'oblajan da mantegner per els e per lur descendants 2 bocs (ün vegl ed ün giuven) per las chavras dal cumün da Sa. Maria e survegnan perdavo pas-chüra in Faschas.

NB. Ulteriuors simils contrats vide suot Actas.

Copcha, rumantsch, palperi.

Joh. Riola plavan refurmà a Sa. Maria ex originale latino cop.

N° 31

1572, 24 avuost

Ursula Planta, abadessa a Müstair, e l'inter convent aquà infeudeschan a plü glieud da Sa. Maria tenor dret feudal cun bains clostrals situats a

Sa. Maria, per quals els han da surdar minch'an a la clostra 11 fl. renans valüta tirolaisa, 2 charradas vers Nals, 80 selguas chaschöl, 40 passa pon, 2 caps bescha, per quai 2 noudas Perner, 2 praders e 2 tondaders da bescha.

Original tudais-ch, pergamina.

2 sagels danizzats. – Sagelladers: Abadessa e convent.

N° 32

1572, 24 avuost

Ursula Planta, abadessa a Müstair e l'inter convent infeudeschan tenor dret da feud ereditari ed ils drets da la terra dal cuntadi dals princis tirolais plü glieud da Sa. Maria cun ils bains a Sa. Maria, clomats S. Maria Madalenagut, per qual sun da prestar mincha an 4 fl 30xers, 1 charrada vers Plärs, 21 selguas chaschöl, 21 mozza überdi ed ün hom prader (sco fit). Per cas cha la chasa da Dieu nu voul cumprar inavo il feud, ils actuals possessuors til pon vender, ma quai be a personas chi sun buna pora glieud e bricha a grands signuors e spiritualls scopür glieud ardatta (ergebene).

Original, tudais-ch, pergamina.

2 sagels stachats. – Sagelladers: Abadessa e convent.

N° 33

1572, 25 avuost

Revers dals possessuors dal feud ereditari Bain Maria Madalena.

Cf. documaint dal 24 avuost dal medem an.

Original, tudais-ch pergamina.

Sagè landervia. – Sagellader: Hans von Salis, sezzaient a Müstair.

N° 34

1586, 10 settember, a Sa. Maria

Gaudenz Melchuris da Valpaschun retschaiva da signur Joan Anton Robustello da Grossoto 7 fl. ed imprometta da'l pajar fit minch'an 6 crüzers per mincha fl. Pegr es sia chasa.

Original, latin, pergamina.

Segnal da nuder da Joannes Petrus Ferla, not. publ.

N° 35

1588, 9 avrìgl, a Sa. Maria

Contrat da barat tanter ils uffants da Maini Schimun Jon Bass e Maini Not Jon Guertsch reg. chasa, tablìà, stalla, curtin e bains a Sielva.

Original, latin, pergamina.

Segn da nuder da Joannes Petrus Ferla.

N° 36

1597, 25 avrìgl

Jacob de Jacob de Jöri barmör da Sa. Maria venda a Janet de Janet de Jöri da Sielva ün toc prà in Runc, sùl qual sta üna fit etern a la clostra da S. Jon, per 100 rentschs 30 crüzers.

Original, latin, pergamina.

Segnal notarial da Joannes Petrus Ferla, Not. publ.

N° 37

1643, 5 december, a Sa. Maria

Cunvegna tanter la glieud da l'inter Terzal Daint reg. l'abuà d'baselgia (avuat d'Baselgia et scoder sü la suratza) e la plavania dal plavan a Sa. Maria.

NB. Ulteriuras fatschendas da plavania tschercha suot: Actas.

Copcha, rumantsch.

Sig. orig. Joseph Launa, not. publ.

Sig. copiam: Dom Ritter, plavan a Sa. Maria.

Copiam copiavit: Christ. Stuppaun, plavan a Sa. Maria.

N° 38

1659, 21 mai

Ordinaziun reg. il vial da sonchia sguat o vial da pra avaunt porta: Drets da passagi, serrar la giatrera etc.

Original, rumantsch, pergamina.

Sagè landervia. – Sagellader: Pudastà Oswald Capol.

Nº 39

1668, 1. gün, Sa. Maria

Il cumün da Sa. Maria venda ad Albert Albert da Sa. Maria ün sulam in la giassa nomnada Plattamala, per quala quist s'oblaja dad eriger üna buna archa la mantgnand adüna.

Original, rumantsch, palperi.

Buol notarial da Petrus Scartazun, V.D.M. et not. publ.

Nº 40

1671, 27 avuost

Ün güdisch arbitral decida üna lita tanter il cumün da Sa. Maria e la clostra da Müstair reg. drets da pasculaziun sü Rims (in la punt dal prà da Vau).

NB. Ulteriuras resp. actas tschercha suot: Actas.

Copcha, rumantsch [ev. sböz?].

Nº 41

1672, 18 avuost, a Sa. Maria

Cunvegna tanter Sa. Maria e'ls vaschins da Sielva, Chomp e Guad regard surtour agravis ed avantags cumünals resp. da las fracziuns, drets d'alp e da pasculaziun etc. Barat da drets etc.

2 copchas, rumantsch, palperi.

Sig.: las parts.

Nº 42

1673, 18 october, Müstair

In üna lita tanter Müstair (cumün) e Sielva reg.

- 1) Il nüz da pasculaziun aint sot graveras nanvart e dadaint il Rom ed in Aua naira,
- 2) pegnuraziun da muvel da Müstair tras quels da Sielva decida ün güdisch arbitral, consistent da 3 members per mincha part, e davo udidas las parts, ils documaints ed in basa d'üna vista oculara:

- 1) il nüz dal pas-ch as dess far dadaint ils termels e sgürand ils bains.
(I vain manzunà ün contrat dals 30 settember 1581.)
- 2) la pegruraziun dess gnir fatta tenor charta da contrat in möd amiaivel e da vaschin. Per mincha armaint bovin sun da pajar 3 xs, maximun 12 x. Chavras tenor contrat vegl.
- 3) Ils cuosts da güdisch veggan pajats a mezzas.
A: Original, tudais-ch, palperi, 2 sagels landervia.
B: Copcha, tudais-ch, palperi
Sagelladers: Sebastian Capol, Güdesch Daniel Ursus.

N° 43

1674, 26 avuost

Per abuniar differenzas tanter la clostra da Müstair ed il cumün da Sa. Maria, vain stipulà tanter amenduos parts üna abünamaint reg. ils termels aint cunter Rims, il passagi dal muvel pro la Punt da Vau, la pasculaziun da las chavras, la via d'alp da Müstair e'l pas-ch da la bescha.

Original, rumantsch, palperi.

Sig.: Luzius Scarpatet von Unterwegen, prevost illa clostra.

Simon Carl dailg Aut Balcun, not. publ., metta seis segnal notarial.

N° 44

1674, 17 november, a Sa. Maria

Arbitramaint regard la fabrica dal nouv muglin e'l passagi (endi) pro la fuschina.

Original, rumantsch, palperi.

Sagè: impress. – Sagellader: Jacob Cort.

N° 45

1677, 4 settember

La Chadè radunada a Glion ad üna Dieta de legescha ils trais signuors Jean Ges. Albertin, Castellan Conradin Planta e Podestà Antonio Gaudenzio per buniar seguaintas litas:

- 1) üna differenza tanter la clostra da muongias a Müstair e'l cumün da Sa. Maria reg. l'alp da Rims.
- 2) üna lita tanter la clostra e varsaquants Chadeans chi contesteschan d'avair dovairs da vassal invers la clostra.
- 3) las dispittas naschüdas tanter il cumün da Müstair e la vischnanca Selva pervi da pegnuraziuns da muvel aint ill'alp Calcuir.
Nu vain cuntendschü abuniamaint paschaivel, dessan las parts tscherchar dret a Zernez.

Original, tudais-ch, palperi.

Sagè da la Chadè impress. – Sig.: Stephanus Reit. cancellarius curiensis.

N° 46

1709, 1. avrigl, Müstair

Güdesch Tumasch Stuppan, sezaint a Sa. Maria, ha acquistà tras cumpra da la clostra S. Jon a Müstair il prà da Vau situà a Sa. Maria, cun drets ed agravis, e uossa vain amo agiunt cha el e seis successuors legals hajan minch'an da pajar fit a la clostra e quai 2 fl. 29x tenor urbar. La clostra as reserva da laschar pascular il muvel d'alp sül nomnà prà davo sejà ils fains, 8 dis a la lunga, la méraria d'alp es chosa da T. Stuppan chi sto però partuccar al prà da Vau. Retrar lat da l'alp.

Copcha ex original, tudais-ch, palperi.

Sig.: Maria Bernarda, abadessa

N° 47

1711, 11 avuost, a Sa. Maria

Per buniar üna dispitta tanter ils 3 Terzals, ils arbiters delegats da la Chadè, Conradin G. Perino e P. Planta de Vildenberg, stipuleschan üna quantità d'artichels, tenor quals in avegnir sun da reglar las tschernas da magistrats, ils cas politics e da güdisch.

Copcha, rumantsch, palperi (7 paginas).

N° 48

1735, 26/15 avrigl, a Müstair

Arbitramaint tanter Sa. Maria e Müstair regard la pasculaziun da la

bescha in Munt Masaun, chi'd es averta per la bescha da Sa. Maria la prümavaira fin als 28 avrigl stil nouv.

Original, rumantsch, palperi.

Sig: Nicolo Capol, Anthonio Orsi, Jacomo Planta (confidants).

N° 49

1743, 27 schner, a Sa. Maria

Arbitramaint reg. la spiegaziun dals duos artichels dal contrat da l'an 1672, 18 avuost, reg. l'ir ad alp e la pasculaziun chasana.

Agiunta da l'an 1743, 4 gün.

Original, rumantsch, palperi.

Sagè impress – Sagellader: Padruot Perini, arbiter.

N° 50

1786, 2 marz, a Scuol

Sentenza d'appellaziun dal tribunal suot Tasna illa lita da pravenda tanter Sa. Maria e'l Terzal da daint, tras quala mincha cumünanza, tant spirituala o politica, vain dissolta tanter pér.

Original, rumantsch, palperi (19 paginas).

Sagè impress – Sagellader: Tribunal suot Tasna.

N° 51

1791, 17 mai, Sa. Maria

Delegats dals cumüns da Sa. Maria e Valchava fan üna revisiun dals termels in Palüetta da Vau. Prescripziun dals termels!

Original, rumantsch, palperi.

Göri Ln (?), scripsit.

N° 52

1808, 6 avrigl, a Müstair

Maria Augustina Wolf, abadessa da la clostra ordinis Sti. Benedicti a Müstair, chantun Rezia, Republica Helvetia e Maria Serafina, priura,

decleran in nom da l'inter convent (fundaziun Carolina[!]) cha'ls duos Terzals da St. Maria e Terzal dadaint s'han cumprats libers da tuottas dovüdas prestaziuns da fits, tenor masüras dals acts da mediaziun, cha'ls urbars sajan gnüts anügliats e'ls documaints extradats.

Original, rumantsch, palperi.

2 sagels impress.

Sig.: Maria Augustina, abadessa, Maria Seraphina, priura.

N° 53

1828

Extract dals documaints vegls, redigi resp. surportà per rumantsch da Duri Guadeng Planta, actualmaing plavan a Zernez.

Original, rumantsch, 10 1/2 paginas fol.

B. ACTAS

An	Actas, as sieuand in üna mappa
1843, 1746, 1795	Contrats reg. caluoster, resgia
1739	fittamaints da terrain cumünal
XVIII.saec.	Scumpart dals uffizis in Vuclina
XVIII.saec.	Scumpart d'impostas cumünalas, gabellas
XVII.saec.et ss.	Fatschendas da plavania e recumpra
1699ss.	Tegner bocs etc.
1764	Incendi dal cumün, resp. duns charitadaivels, guitader
XVII – XIX sec.	Cunfins e termels, drets da pasculaziun (Vau) etc.
(16)75	Sunteri
	Rodel da vuschs

C. CUDESCHS

An	Cudeschs	N°
renovà 1707	Ledschas criminalas, matrimonialas et civilas. Collecziuns chi cuntegnan documaints reg. las dispittas religiusas tanter:	1

1648 – 1831	a) Sa. Maria e Terzal Dadaint (separaziun)	F°	2
1596 – ca.1800	b) Sa. Maria (ref.) e catolics Cudesch da vaschins (obligs, chartas da vaschins etc.)	F°	3
XVI – XIX sacc.	Cudeschs da chapitals e da chascha da la plaiiv	F°	4
1766 – 1804	Cudesch da baselgia (battaisems, matrimonis e mortoris)		5
1804 – 1849	Cudesch da baselgia (do.)		6
			7

